

瓶水齋主詩集

瓶水齋主詩集

餅水齋詩集卷三

大興舒位立人

屠維作噩

唐花

今年纔過試鐙風已有花枝照眼紅
隔歲春愁行市上當筵
人影落杯中開時蜂蝶來猶少
夜靜笙歌聽亦空誰遣名園
遲氣候卻教羯鼓咲天公

雪夜懷稚川

落屋兩頭月掀簾四面風
詩城千騎疾酒海一船空
室夢虛生白街塵軟壓紅
坐愁春爛漫幾處故人同

獨遊龍泉寺尋杏花

看花不逢人但逐流鶯去
一路春風香遙知寺門處
紅牆圍

周遭隱約見幾樹入寺禪枝深老僧留客住閒因證蒲團清
味理茶具徙倚紅白間蜂蝶不知數蜂蝶爲花來花爲蜂蝶
誤靜中春意鬧暗裏天公怒回首睨西郊斜暉澹將暮蹶然
別阿難已忘來時路

新燕

新燕誰能話舊愁別時猶是去年秋南閨錦字仍千里東海
鳥衣更九州枳棘詎來鸞鳳宿稻梁空作雁鴻謀銜泥莫謾
巢君屋幾處珠簾放玉鈎

典裘詩

點檢青箱記昨宵易衣而出太蕭條吾家舊物誰能遣此地
寒威尚未消曾有鴛鴦雙翦落何來楊柳一旗飄輸他走馬
蘭臺去雪滿宮門夜賜貂

王恭鶴氅晏嬰裘紫鳳天吳不記秋羞澀忽成垂老別輕肥
虛憶少年游蛾眉絕塞金誰贖狐腋重關客未偷比似春衣
杜陵醉兩般滋味一般愁

別去分明抵故人年時冷暖記來真青山策蹇圍天曉紅蠟
鈔書耐漏頻得句漸知衣帶緩看花惟有帽簷新爲誰中道
恩情絕拋卻長安十丈塵

紅袖青袍兩不知淒涼質庫且題詩直愁一入深如海空計
三年遠作期鍼線跡銷無處覓風塵緣盡有時離些些紕繆
酸寒甚等到冰綃霧縠時

四月初七日法源寺看花作
春殘紺宇屐聲來要乞狂香泥酒杯可惜今年風力淺好花
無數不曾開

曲徑斜垣復幾叢卷簾一顧恨難通春塵著眼先愁暗未免
看來似霧中

數聲清磬野僧飯一院碧陰閒客題日暮更無鶯燕至盡情
輸與亂鴉啼

題畫牡丹絕句

賞花取次惜花殘富貴神仙事渺漫不及夢中傳彩筆尚能
留到子孫看

豐臺行

豐宜門外車摩輪紅塵作雨不濕人烟輕風亞買花節氤氳
爲使芳爲鄰誰何到處稱好事要插烏帽鋪青茵黃絲碧股
紛在眼濁醪清曲時錯陳鈿轡珠被日微逐愛看飛鳥銜香
巾豈知盈擔唱歌去紅腔載入重城闌張帷欲加九錫寵築

欄未吝千流銀銅瓶一夜水清淺墜茵落溷難與論花開花
謝一時耳靜念物理誰爲真麓桃俗李二三月釵梁齊媚晨
粧新此花晚出雖獨絕已過九十陽之春三十三品種有別
一百五日留無因天公爛漫殊狡獪美人遲暮良酸辛安得
揚州萬花會盡酌婪尾沾吾脣春來春去勿復道相與起舞
隨芳塵

題張子善孝廉芍藥倡和詩後

南西門外卽豐臺繡轂長衢殷晚雷咲殺熏香蕭館客題詩
爭似看花回

九十春光一酒卮吟情豔裔惱花枝朱門日費中人賦但買
春愁不作詩

鷓鴣畫扇

樓臺花月唱春寒記取樽前行路難拂影乍逢王內史聞名
先惱鄭都官湘人門巷當秋聽越女衣裳恰畫看欲寄南雲
舊消息多君懷袖有飛翰

伯父倣唐子畏富春山圖一角命題

桐江詰曲好烟波隱隱青山響權歌纔展谿藤似相識十年
前向畫中過

疎簾清簟夢初醒下直凝香晝掩屏比似六如三丈卷未妨
縮本寫蘭亭

冷枝華清新浴圖

落如池上烟波綠阿環承幸驪山足水邊已見麗人行殿角
仍歌照影曲照影疑從鏡殿還溫泉水膩弄潺湲花開陳苑
臨春閣波繞吳王銷夏灣相從這暑鑾輿度卸砌雕欄裒清

露內園初進助情花別館惟栽銷恨樹江妃辭去念奴陪遲
日熏風湯殿開更無紅葉隨波去早見黃裙逐水來須臾起
舞雙魚鏡綠鬟倭墮紅綃靚趙后仙裙自可留洛妃塵韞應
還勝當時但詔洗凝脂誰賜金錢更洗兒樓中赤鳳來何日
水底黃虬化有時從此華清水鳴咽延秋門上烏鵲徹忍看
驪嶺縣前流化作馬嵬坡下血碧落黃泉夢有無蘭湯第二
冷宮鳬千年禍水幾傾漢一曲香谿竟沼吳金門畫史冷校
自號
丹青選國子先生藏一卷圖爲宋助教
大樽所得浴鳳塵揚碧海空牽
牛淚落銀河淺

城西贈林海珊同年

鳳城楊柳綠於苔認得門從是處開忽咲此間容我住預愁
他日別君回文章過夏題無塢裙屐悲秋築有臺也抵出門

西向笑不施行馬苦相猜

詠史二首

南征馬援收兵後北伐劉琨上表初禿髮何曾歸乞伏虬髯
早已襲扶餘誰憐去國紀侯大遂見登壇小白余略勝山西
瞽妙達但將歌曲換中書

樓船兵氣夜飛揚橫海風雲出戰場河朔終歸唐土地巴西
初諭漢文章自圖高閣三公貌誰守孤城七日糧欲撰平淮
金石字捉刀先有段文昌

五代十國讀史絕句三十首

係履歸來汗一身朱三本是碭山民全家作賊偷天下忽有
投杯捉賊人

廣字編年已去唐公符傳讖竟稱梁少師自愛楊風子上將

可憐王鐵槍

後梁

遂有雕窠獨眼龍生兒亞子果英雄
那知別撰伶官傳流水聲中一曲終

妝具銀盆入晉陽新磨銅鏡本無光
卻除菩薩留生鐵又向

宮中看射狼

後唐

割取燕雲十六州火光飛上洛陽樓
鐵穿石爛匆匆甚紅殺

僧堂一樹榴

更無十萬劒橫磨可惜陽城一棗駝
獨向封邱門外去路旁

紗帽已無多

後晉

不事南朝不北朝紀年改國兩無聊
洛陽焚牒緣何事寒食

難容麥飯澆

二威不死一威生草草匆匆作此行
卻受虛名收實禍四年

鍾子齊詩集卷三
五
兩世不分明

後漢

劉子陂前戰血流瓦橋關外路悠悠黃旗裂後黃袍出了卻
梁唐晉漢周

匆匆五代劫灰餘割據紛綸且未渠直到世無長樂老華陰
居士正騎驢

後周

江北楊花唱步虛笛家三孔怨何如匆匆不記廬州釣東海
青天一鯉魚

十圍官燭淚猶紅難抵金奴馬廐中腸斷丹陽迎奉使更無
三十六英雄

吳

碧落宮開笑女牛南朝天子例無愁不知江上黃花水肯向
銀河一處流

鴛鴦寺主幾時還金屑燒槽譜未刪留得數峰青峭在曲中

猶唱念家山

南唐

玉女初開半面妝
難營三窟到金牀
可憐一段琉璃下
祇有繒山阜莢香

宣華池上月華新
定子當筵一抹春
但記宮妝成小醉
酒杯不到絕癡人

前蜀

蟋吟鵲轉自春秋
四十花城作浪遊
忽訝征西車馬至
爲誰風雪賜貂裘

雪香團扇宴摩訶
玉骨清涼怨綺羅
解道流年暗中換
宮詞翻入洞仙歌

後蜀

內殿傳呼女侍中
紅雲宴散太匆匆
髮香人夢無尋處
腸斷花田一畝宮

無復雞人候曉窗
青春祕戲一王降
如何瘦燕肥環外
別有

橫陳大體雙

南漢

晉陽玉座紀年新
三品黃騮間道塵
自有一生惆悵事
雕青天子赤真人

黃蠟封書夜刺閨
摧殘鐵騎澤州圍
無因重捉香如意
城下

三衣肉袒歸

北漢

草風山雨會春園
比似江南錦洞天
觸迂參軍舊歌曲
齊州九點已如烟

宮衛銀槍細漏分
夢回猶記鬱金裙
不愁花謝禪心寂
自有

西堂一片雲

楚

開門節度閉門王
一角湖山是故鄉
卻遣夫差水犀手
亂潮如雪下錢唐

通宵警枕憶眠時
身後風流絕妙詞
一路花開人緩緩
玉璫

緘札寄相思

吳越

金仙一笑夢中來
雙樹誰家傍水開
較可他年三昧宴
玉缸花雨撲春回

隔著荷花路不通
回船惟見水屏風
三郎白馬無消息
隊隊鴛鴦入鏡中

閩

荆南節度舊名昌
曾是朱三異姓王
卻笑當年李天下
誇人十指太荒唐

一身鶴氅護煙霞
卜築荆臺小隱家
老眼不堪東北望
秋禽啼殺渚宮花

荆南

陸杉石儀幘雨中過
訪明日作詩寄之
竝取觀其詩集
秋堂暮沉沉
櫺牖無爽塏
一雨竟三日
雲氣尙靄黶
潤礎占
非誣濯枝勢
彌解屋漏夜
逼牀衾稠重
甲鎧朝來窺
瓦花濛

濛綠蓓蕾我居西城根頗絕賈囂浼拋殘一卷書桃笙夢黃
妳招尋尺五天隔絕同九垓忽聞敏門聲門外塵如海騎馬
似乘船但少歌欸乃入門士龍笑類獲珠百琲交非陰雨棄
興若琴星璀璨手捉黃塵尾談詩縱闔捩狂言驚腐儒元氣訴
真宰論古殊落落起予亦每每我詩溝澮盈其涸立可待何
當決江河淵源自深漕聞君篋衍多魚箋綴蠅楷中有詩千
篇芳飈動蘭茝忤來借一瓴庶以慰渴餒口角或流涎牙後
可拾慧但求識籋籋焉敢營壁壘歸璧終有期求金幸無罪
不然良賈藏祕惜無人買一朝點睛飛風雨君勿悔

宋謝文節公橋亭卜硯歌

卜硯集云硯歛材修九寸七分廣五寸六分額篆橋
亭卜卦硯五字面左右有元集賢學士程文海銘背

有明永樂間閩人趙元識搢地得硯之由

團湖坪三寸鐫建陽市一片石更無鸚鵡好紋留應作蟾蜍
清淚滴自從歷劫厓山麓坑雲五色無人劖荆棘難尋祕閣
頑泥塗何況橋亭卜不怨魏行省但咲留承旨無勞程集賢
猶有趙處士始知神物難久埋南谿七十三間開得之地下
竄狐免捧出座上生雲雷銅爵香姜不足數玉帶水雲乃其
伍肯草蠲除詔留伴趙孟頫願寫生祭文移贈王炎午石飛
海立五百年硯兮硯兮爾良苦憶當流落朝天橋早識三日
無江潮祇爲趙氏一塊肉未入楊家七客寮好事留傳閱兵
燹黑者隤巖碧者蘚鼠肝蟲臂已不惜龍眼犀紋那可辨重
其人者物可悲一書卻聘生光輝警鶴徙倚詹尹市飢鳳太
息曹娥碑嗚呼寶祐初開蓋珠榜放膽文章慨以慷三十功